

1. marts 2021

TUSAGASSIUTINUT NALUNAARUT

Piujuartitsineq aallaavigalugu niuernikkut aningaasarsiornikkullu Kalaallit Nunaanni ineriartortitsineq

Industriens Fond, Sulisitsisut aamma CSR Greenland suliniummik annertuumik nutaamik "IPUK – piujuartitsineq aallaavigalugu ineriartorneq"-mik qulequtserlugu saqqummiipput. Suliniummi piujuartitsineq aallaavigalugu niuernikkut aningaasarsiornikkullu kiisalu FN-ip piujuartitsilluni ineriartortitsinermi nunarsuarmi anguniagai ilanngullugit Kalaallit Nunaanni ineriartortitsinissaq siunertaavoq.

Piujuartitsinneq tunngavigalugu suleriaaseq suliffeqarfiup iliuuserisassanut ammalu suleriaasiatut eqqunneqassaaq – ineriartornermik, sulifissaqartitsinermik aamma inuiaqatigiinni pitsaasumik ineriartortitsinermik tamanna kinguneqassamat. Sulisitsisuni CSR Greenland-imilu taamatut siunniussaqaarluni suliniuteqarneq ukiut 10-t matuma siorna aallartippoq. Suliffeqarfinnut piujuartitsineq aallaavigalugu aammalu FN-ip piujuartitsilluni ineriartortitsinermi nunarsuarmi anguniagai aallaavigalugit ineriartoqqinnissamat suli annertuumik periarfissaqarpoq – taamaattumik Industriens Fond-ip suliniut nutaaq tapersorsorjaa, taamaaliorneralu Kalaallit Nunaanni inuussutissarsiummik ingerlatallit iliusissaannut, ukiuni aggersuni ineriartortitaat malunnaatilimmik siunniuteqarnissaat aqutissiorpaat.

- Naalakkersuisut, illoqarfiit, aningaasaliissuteqartartut, suliffeqarfiit aamma NGO-t nunarsuarmi tamani, qanoq iliornikkut FN-ip piujuartitsilluni ineriartortitsinermi nunarsuarmi anguniagai piviusunnngortinneqassanersut oqaluuserivaat. Taamaattumik piujuartitsineq aallaavigalugu nioqqutissiorneqassamik kiisalu niuernikkut ingerlatsinissamik piumasaqaatit niuerfinniit ersarissartuinnartumik ukkatarineqartut malunnarsiartorpoq. Kalaallit Nunaanni pitsaasumik inuussutissarsiuutinik ineriartortitsinissaq, taamaasillunilu suliniutit assersuutigiinnarlugu attaveqarnermut, takornariaqarnermut aamma aalisarnermut tunngasut, unammillersinnaaneq piujuartitsinerlu aallaavigalugu imminnut ataqatigiittumik piujuartitsinermillu tunngavilimmik ingerlaqatigiissinnaangorlugit ineriartortinnissaat eqqumaffigisorujussuarput, taamak oqarpoq pisortaaneq Thomas Hofman-Bang, Industriens Fond-imeersoq.

Piujuartitsinermik aallaavilimmik iliuusissiorneq Kalaallit Nunaanni ujartorneqarpoq

Kalaallit suliffeqarfiutaasa annertunerujartuinnartumik tapersorsorneqarnissartik piujuartitsinermillu alloriarnissaminnut tullermit tunngatillugu isumassarsinneqarnissartik pillugu ujartuipput. Suliniummi nutaami suliffeqarfiit 10-t FN-ip piujuartitsilluni ineriartortitsinermi nunarsuami anguniagaanut 17-isunut suliffeqarfittut iliuusissaminnik kiisalu taakkununga piviusunnngortitsinissamat suliniutissaminnik aqusaagaqassapput. Tamatuma sianiatigut suliffeqarfiit suliffeqarfinnut allanut suliniutip imarisaanut tunngatillugu maligassiuissunnngussapput, aammalu niuernerpalaartumik piujuartitsisumillu iliuuseqarnikkut kiisalu unammilligassat pingaarutillit qaangernissaannut, kalaallit inuiaqatigiit aammalu nunarsuarmioqatigiinni suliassaasunut annertuunut peqataassallutik.

- piujuartitsineq aammalu FN-ip piujuartitsilluni ineriartortitsinermi nunarsuami anguniagaanut iliuuseqarnissaq pingaaruteqarluinnarpoq aammalu suliffeqarfinni ingerlatseriaatsimut ilaatilluinnarnissaa pisariaqarluni. Suliffeqarfiup iluani akisussaaffiup appasittumik inissinnginnissaa qullersalli suliassaattut inissisimanissaa naleqquppoq. Taamaaliornikkut,

niuernermi aammalu unammillersinnaasuseqarneq nutaaq periarfissatut nutaatut ammassapput. Pineqartoq taanna, Sulisitsisuni ukiut 10-t qaangerlugit suliarisimavarput aamma suliniut taanna kalaallit suliffeqarfiutaannut annertuumik siumut pitsaasumut ajunngitsumik ingerlanissamut assorsuaq periarfissaavoq, taamatut oqarpoq pisortaaneq Christian Keldsen, Sulisitsisut.

Suliniut CSR Greenland-imit aqunneqarpoq novembarillu tungaanut suliniutinik assigiinngitsunik imaqartinneqassalluni, tassani nunani avannarlerni FN Global Compact-imi suleqatigiit ukiumut ataasiarluni pisartumi Nuummi ataatsimiissaasa tunngaanut.

-Kalaallit suliffeqarfiinut inuiaqatigiinni akisussaaqataaneq suliffeqarfimmik ingarlatsinermi pissusissamisoortutut isigineqarpoq. FN-ip piujuartitsilluni ineriartortitsinermi nunarsuarmi anguniagai najoqqutaralugit ataatsimoorluta piujuartitsinermik aallaaveqarluta nutaamik 'suleqatigiissutissatsinnik' peqalersimavugut taamaasillutalu suliassaqarfiit akimorlugit nunamilu maani assigiimmik ingerlavissamik aallaaveqarluta suleqatigiissinnaanngorpugut. Suliniut annertuumik isumalluarfigaarput, suliniummut aqutsisuusooq Ulla Lyngé, CSR Greenland, oqarpoq.

Suliniutit "IPUK" – piujuartitsineq aallaavigalugu ineriartorneq" ulloq 15/3 CSR Greenland-ip ataatsimeersuarneranut atatillugu saqqummiunneqassaaq kiisalu aprilimi ammasumik ataatsimeersuartitsinermi aallartinneqassalluni.

Asseq 1: Pisortaaneq Christian Keldsen, Sulisitsisut
Asseq 2: Suliniummi aqutsisoq Ulla Lyngé, CSR Greenland

Paasiniaavissat

Suliniummi aqutsissoq Ulla Lyngé, CSR Greenland
www.csr.gl | mail: ulla.lyngé@csr.gl
Dir: +299 363716 | Mob: +299 533716

Attaveqatigiinnermut pisortaq Ole Østrup, Industriens Fond
Mail: oos@industriensfond.dk
Phone: (+45) 33 376 208